



Claudii Fleurii Abbatis Historia Ecclesiastica

Ab anno Christi 1553. usque ad annum 1557

Fleury, Claude

August. Vind. [u.a.], 1771

VD18 9011857X

§. 85. Sedis Apostolicæ Nuntius in Angliam a Papa decretus.

[urn:nbn:de:hbz:466:1-66565](https://nbn-resolving.de/urn:nbn:de:hbz:466:1-66565)

Sæcul XVI merita largis præmiis compensare stu-
A.C. 1555. debat.

§. LXXXV.

*Sedis Apostolicæ Nuntius in Angliam
a Papa decretus.*

Pallav. n. 5. Sub idem tempus, quo Pontifex Mo-
ronum ad Imperii comitia ablega-
verat, simul etiam Antonium Augu-
stimum Romanæ Rotæ Auditorem Vi-
rum, quo doctiorem Hispania non pro-
tulit, in Angliam Sedis Apostolicæ Nun-
tium decernebat, ut Philippi, & Ma-
riæ studio, ac opera Angliæ Regnum
ad fidei Catholicæ unitatem reductum
utrique Principi gratularetur, atque
exponeret, quod unicum populos in
fide continendi medium foret, si hære-
ticis quocunque apud exterros perfu-
gium occludatur: id vero, inquiebat
Pontifex, composita cum Gallis pace
obtineri facile posset. Insuper Nuntius
Regi, ejusque conjugi indicare jube-
batur, quod Pontifex Cæfarem ad con-
cordiam inclinare totis viribus adlabo-
raverit, atque Henricus Galliarum Rex
salem in id consenserit, quod ad Tur-
cam reprimendum, opprimendosque
hæreticos in Religionis utilitatem per-
tineret.

Denique Nuntius hæc subjungere
in mandatis habebat: „Pontifex nun-
quam

„quam omisit adjicere animum ad mo- Sæcul. XVI.
 „rum emendationem, cunctis exemplo A.C. 1555.
 „futuram; sed res dupli de causa
 „diutius fuit protracta, & propter Ec-
 „clesiasticorum repugnantiam, ne cor-
 „rigerentur, & propter vim, & iniquam
 „potestatis usurpationem, quam laici
 „Magistratus adversus Ecclesiæ jus exer-
 „cebant. Priori parti consuluit tandem
 „Pontifex quoad plura, & præcipua ca-
 „pita per Diploma jam digestum, brevi
 „promulgandum; posteriori vero opus
 „est, ut Principum pietas, auctoritas-
 „que prospiceret. In illo Diplomate viri
 „Ecclesiastici reformantur ducto initio
 „a Romani Pontificis creatione usque
 „ad infimum ipsorum gradum. Ec-
 „quidem oportuisset eas Sanctiones con-
 „ficere, quæ possent in quacunque re-
 „gione ad opus deduci; multis tamen
 „rebus fuit consultum, quæ præsertim
 „in Ecclesiis Hispanicis ad bonum régi-
 „men, rectamque vivendi rationem spe-
 „tabant: si vero illud Diploma satis
 „non esset, præsto est Pontifex ad ea
 „omnia adjicienda, de quibus commo-
 „neretur, dummodo vicissim abusus
 „laicæ potestatis abolerentur.,,

§. LXXXVI.

*Hæretici in Anglia extremo suppicio
multati.*

K 2

His